

有常居不隨畜牧移徒也著音直略反有城郭田畜與匈奴烏孫異俗故

皆役屬匈奴師古曰服屬於匈奴為其所役使也匈奴西邊日逐王置僮

僕都尉使領西域常居焉者危須尉黎間賦稅諸國取

富給焉師古曰給足也自周衰戎狄錯居涇渭之北師古曰錯雜也及

秦始皇攘卻戎狄築長城界中國師古曰為中國之境界也然西不

過臨洮師古曰洮音土高反漢興至于孝武事征四夷廣威德而

張騫始開西域之迹其後票騎將軍擊破匈奴右地降

渾邪休屠王屠音除遂空其地始築令居以西師古曰令音鈴

○宋祁曰集韻令音連云令居縣名在金城郡初置酒泉郡後稍發徙民克實

之分置武威張掖敦煌師古曰敦音徒門反列四郡據兩關焉自

乾隆四年校刊